

8TH. SITTING ON 25 MARCH, 1983 (FRIDAY)

PRESENT

PU C. CHAWNGKUNGA, Deputy Speaker at the Chair. Chief Minister, 4 Ministers and 24 Members were present.

BUSINESS

QUESTIONS

1. QUESTIONS entered in separate list to be asked and answers given.

PRIVATE MEMBERS' BUSINESS

2. Pu C. PAHLIRA to move the following -

"This Assembly is of the opinion that the Government of Mizoram take effective measures to start building a Sports Complex at a suitable place, where training and coaching etc. can be actively persued".

DEPUTY SPEAKER : Aw LALPA ka rilru hi i hnenah ka dah thin, Aw ka PATHIAN nang ka ring chia Mualphoin mi awmtir suh la; Mi dotute mi ngam chu phal suh ang che. Ani, nangmah nghaktu reng reng chu tumah mualphoin an aww lovang; A vang aww lova vervek taka titute erawh chu mualphoin an aww ang.

(Sam 25:1-3)

Kan List of Business No. 1 ah kan kal ang a. Question No. 24 zawt turin Pu Joe Ngurdawla i lo sawm ang u.

* PU JOE NGURDAWLA : Pu Deputy Speaker, ka zawhna chu hetiang a ni -

Will the Hon'ble Minister i/c Education Department be pleased to state -

As to why proposal for provincialisation of Khawbung Deficit High School has not been implemented yet ?

Engvanginge Khawbung Deficit High School hi Sorkarin lak tura a propose tawh kha tun thlanga implement a la nih loh ?

* PU F.MALSAWMA,
MINISTER.

Pu Deputy Speaker, kan hriat fo tawh angin Education Department-ah hian tangka a harsat a vangin Khawbung High School leh school hrang hrang Sorkarin provincialise-a a ngaih pawimawh em em te chu tangka awm loh vangin a tih theih rih loh a ni.

* PU JOE NGURDAWLA :

Pu Deputy Speaker, a bik takin Khawbung te hi chu Sorkar High School awm tura bial pum huapa han beisei ve chhun a ni a. Chuvangin Sorkara ruahmanna a han awm khan mipuite pawh an lawm em em a. A bik takin hmun kilkhawr deuh tal hi chu kumin financial year-ah hian min laksak thei dawn lawm ni ?

* PU F.MALSAWMA,
MINISTER.

Pu Deputy Speaker, hemi lama ruahmanna reng reng hi Planning Commission-in min drop sak vek a. Keimahnia tangka kan neih tam loh avangin Planning Commission-ina min phalsak ang chauh a kal thei kan ni a. Chuvang chuan thil a harsa rih a ni.

* PU C.PAHLIRA :

Pu Deputy Speaker, keini Sateek Constituency chuan tuna an sawi ang bawh khan Mizoram-ah chuan bial hmufum bera declare a lo ni ta a. Sialsukah sawn buai hma a tangin sikul the tawh tak din a lo ni tawh a. Tin, Phuaibuangah pawh chuunzawm a lo ni leh a. Tunah sawn staff te pawh an awm the bawh viau a. Tin, sawi bialah sawn Examination Centre awm ve se tih rawtna a awm a. Chu chu Sorkarin a ngaihtuah tawh em tih ka han zawt duh phawt a. Saw High School saw kan biala kan neih that ber a nih avangin Sorkarin la ve ngei se tih ka han phut duh a.

Tin, ka zimna lama thil pakhat an lo sawi, Biate khua khi Examination Centre-ah an lo hmang niawm tak a ni. Amaherawhchu an la provincialise lo tlat mai tih an sawi a. Chu chu a inkalh deuh awma hriatnate ka nei mai mai a, chu chu engeni a awmia tih min han hrilhfiah nghal bawh se kadah a ni.

PU F.MALSAWMA,
MINISTER.

Pu Deputy Speaker, kan member zahawm takin a rawn sawi kha a dik a, Biate High School kha Government a na lova. Hemi vanga examination centre nih kher kha a ni lova, lamho zawng zawngah pitar lukhum khum lo pawh an lam ve thei tho tih ang deuh kha a ni a. Anni pawk kha

Government kher lovah pawh khan a dah ve theih a. Tin, a bik takin Sateek bial chu an hmufumna lai hriat a ni a, lehlamah chuan an chawikanna lai tur pawh a awm ve tho ang tih hi hriat tur a ni a. Alu Farm te pawh Darlawn bialah chuan a awm miab lova, chutiang chuan sawlalah pawh a awm loh kha kan hria a. Tin, kar kalta khan Examination ni turin Sorkar chuan Sialsuk leh Sateek chu recommend-na a thawn tawh a. An thu tih thlukna ang ang chu a ni mai dawn a ni. Chutiang baw chuan Khawbung High School te, Sialsuk tlangdung lam High School then then te, N.Vanlaiphai tlangdung te, Biata tlangdung te Sorkarin a lak awm tak tak a awm a ni. Amaherawhchu hng ang harsatnate hi Sorkarin a la sukiang hlei thei lova, engtik niah emaw chuan heng hi lak-sak anni ang a, a hun leh ni chu a la sawi theih loh a ni;

* PU J.H.LIANCHUNGMINA : Pu Deputy Speaker, Khawbung bial MLA zahawm takin zawhna a rown siam nen khan tuna ka thusa-sawi hi a in relevant-ah ngai ila. Biatah chuan Sorkarin High School Leaving Certificate Examination Centre a dah ve ta a. Amaherawhchu helalah hian Security Force lam pawh an awm lova, police outpost tak ngial pawh a awm lova. Sorkarah vawi engemaw zat chu kan thlen tawh a, House-a han zawh kher hi ka tum ni lo mah se zawh a ngalin ka hre ta a. Tichuan a buaithlak ta hle mai a, tun kuma exam an conduct lai khan an Police Station hnai ber N.Vanlaiphai te thlenin helalah police min han pe teh u, te an ti a, Sorkar chuan eng action mah a la ta lova.

Provincialise loh sikul mah ni se Exam Centre a nih tlat si avangin Pu Deputy Speaker, khatiang anga security lama an tih theih tak loh hian tunah hian Education Department hian ngaihtuahna a nei em? Tin, exam lokal leh tur atan ven himna hna hi an pe angem?

* PU JOE NGURDAWLA : Pu Deputy Speaker, a chhan rual mai theihin ka hria a. Helai hi a relevent dan kha ka chiang khawp mai a. Ka zuk zawhna chhan chu kan Sorkarin hemi proposal a zu siam hi a tha khawp mai a. Amaherawhchu a area lam kha thiam thiam a ngai a, tin, a ruahman thiam ka ti khawp mai. Hemi hi eng angin nge Planning Commission tehreng pawh chuan keini ang ram hmufualah hi chuan a area-wise a siam Centre Sorkarin a dah hi chu thil tih makmawh, hnam hmufualte in chawikanna tur thil a ni a. Hetianga an la pe thei lo zel hi thil mak tak niin ka hria a, tin, an ngaihtuah ngun lo niin ka hre baw. Hemi chungchangah hian kan Sorkar hian priority a dahin, nawrpui a lain, helala kan pawisa awmdanah pawh propose leh dan ngaihtuah a, he proposal hi chu implement a ngai tak meuh a ni. Chumi chu a hnawpui tak takin a ti thei dawn lo'm ni ka han ti teh ang.

* PU C. PAHLIRA : Pu Deputy Speaker, hman deuh
khan Education Minister kawmna ka
nei a, tin, officier lam kawmna ka
nei leh bawk a. Chumiten min hrilh dan chuan hmi Sorkar
Added School reng reng hi a sum sen tam lam te a in an deuh
vek avangin Sorkar Sikulah dah vek rawtnate a awm a. Chutah
chuan decision kan la siam gel thei rih lova, chu chuan
Sorkar sikula hlan chhoh turte pawh hi tih khawtlaina
a nei a ni tlin tumma khan min hrilh a. Chutah chuan
decision siam a ni tawh em?

* PU B. LALCHUNGUNGA : Pu Deputy Speaker, tuna deficit
awm tawh sa provincialisation
chungchang thua chuan thil
hlawhchham a ni tih chu kan Minister zahawm tak khan a sawi
ta a. Chu chu lo ni ta se, tunah hian High School din
thar te, Middle School din thar te tunah hian tam tek a awm
leh ta a, permission pek chungchangah hian Sorkar hi a strict
viau dawn em? Entirnan - ka bialah pawh sawn Middle School
din tuma buai lai lai, sikul building te sa, zirtirtute pawh
nei vek tawh, permission lak tuma buai lai laih te an awm a.
Khatah khan Sorkarin eng ngaihdan nge a siam-dawn tih ka
hre duh ani. Tin, High School chauh ni lovin tuna added-a
awm tawh sate hi deficit-a dah chho turin harsatna a la awm
ve leh zel dawn em ni?

* PU F. MALSAWMA : Pu Deputy Speaker, member
MINISTER. zahawm takin nawrpui in bei leh
zel dawn em a tih kha chu, thei
teh mawh mai, kan han bei leh mawlh ange. Tin, a dang leh
kha chu, kan member zahawm tak khan nizana kan wind-up na
kha a Chiang lo em ni aw ka ti a, sikul mal chungchang kha
kan sawi tawh a. Sikul then thente chü a hran pawh a pro-
vincialise tumna kha a han awm a. Amaherawhchu chu pawh chu
tangkein a daih hlei thei lova. A pumpui thuin deficit ho
ni tihho a, Sorkarah dah ni se tih ngaihtuahna kha chu a
policy chuan Sorkar chuan tha a ti a. Amaherawhchu pension
benefit te a lo ngai a, medical thil te a lo ngai a. Chung
zawng zawngah chuan tangka lamah harsatna a awm a. Engpawh-
nise kuminah hian kan han ngaihtuah ho leh reng reng ang a.
Education kalhmangah hian a pumpui thua Sorkarin thlirna kan
neih that leh loh chuan heng thil thar hi han lak chhoh a
har em em a. Amaherawhchu heng thil hi kawng a awm thei
hram angem tih ngaihdan erawh chu member zahawm takte
ngaihdan a tang khan a sawiho lehna chu neih a ni leh phawt
ang a. Chungahte chuan theih a nih tak hlauh chuan lawmawm-
ch ngai ila. Amaherawhchu kan sawi tawh ang khan Central-ina
education pawisa a pek theih a hi a amount chu tam fu mah
sela a hma a zauh em avang leh khawtin mai a huap avang
hian a indaih theih loh a ni tih kha hre nawn leh ila a
tha awm e.

Tin, permission pek chungchangah
kha chuan, a dan takah kha chuan pek tawh loh tur tih kha a
ni a. Amaherawhchu kan mamawh ve si a grant pawh kan ngaiht-
uah love, kan naute certificate an neih theih ve natur

thleng hi kan mamawh a ni an rawn ti a, khalai chiah khan min nawr tut tut a. Hso pek voleh khan grant-in-aid an rawn nawr leh a. Hejala hi chu a nawrtute khan an thian ve deuh hlek a ngai a. Chutih rual rual chuan permission kha kan pe lo bur ang tih a sawi hleih theih loh a ni, a khaw mal malin a mamawh leh a tuldan ngaihtuah khan.

Pu Deputy Speaker, security chungchang kha chu Education hian a va concern chiah tawh lova, a theih leh theih loh tur kha sawi a har viax a ni.

DEPUTY SPEAKER : Tunah Short Notice Question No.3-na zawt turin Pu Joe Ngurdawla i lo sawn ang u.

* PU JOE NGURDANLA : Pu Deputy Speaker, ka Short Notice No.3(a)-na Aizawl Town-a drinking water Government-in a supply-ah hian 1981-82 & 1982-83 inkar khan sum engzah nge a sen? (b)-na - Aizawla tui pek nan hian 1982-83 inkar kum khan track engzat nge an hman?

* PU LALHMINGTHANGA MINISTER. Pu Deputy Speaker, member zahawm tak rawh zawhna (a)-na chhanna chu; 1981-82 inkar khan cheng nuai 60 leh sing 3 leh 662 vel a ni a. Tin, 1982-83 chung khan (February thla tapp thlengin) cheng nuai 58 leh sing 3 leh 6145 sen a ni. Tin, (b)-na chhanna chu - Zoram puma lakin thla khatah track 26 kan hmang ang a ni, a average-a lakin.

* PU ELLIS SAIDENGA : An tui chawina hmunte chu min hrilh theih em?

* PU LALHMINGTHANGA MINISTER. Aizawl, Durtlang, Kawnpui, Thingdawl, Sarchhip, Champhai, Zemabawk, Sihphir, Saiha, Lunglei, Hnahthial, Lungsen, Lawngtlai; kang ho zawng kha a ni, Pu Deputy Speaker.

* PU C.L.RUALA : Pu Deputy Speaker, a zawhna (a)-naah khan 'amount of expenditure or supply of drinking water in Aizawl town area' tih a ni a. Hei hi pump te nena an supply zawng zawng belkhawm vek

em ni ? Hmun 2-ah pump a awm a, motor engemaw zatia a chaw
baw a. Chulai chu chiang deuh hlekin min han hrih thei
sela. Tin, (b)-naah khan Aizawl ringawt track zat hriat
theih se a duhawm baw a. Tin, zawhna dang leh chu - tuiah
hian damdawi an telh leh telh loh hriat ka duh baw.

* PU LAHMINGTHANGA
MINISTER.

Pu Deputy Speaker, member
zahawm takin a zawhna ka ha-n
chhannaah khan track carriage

tih a nih loh vangin Aizawl town a drinking water atana kan
sem, a vai man hrim hrim kha a rawn ti a. Maintenance cost
of pumping kan ti a Laipuitlangah hian pakhat kan pump chho
a, kha kham a thawk tha vak lo tih member zahawm tak
ten an sawi a. Tin, Tuikhuahtlangah khian pump chhuah a ni
baw a- Khata tan khan nuai 39 leh sing 4 leh sang 5 leh
779 sen a ni a, truck phurh nan nuai 20 leh sing 8 leh sang
4 leh 853 belh a ni a. Tichuan a total khan nuai 60 sing 3
leh sang 4 leh 32, 1981-82 inkarah khan a lo ni ta a. Tin,
1981-82 February thla tawp thleng khan pumping maintain nan
khan nuai 40 leh sing 4 leh sang 8 leh 661 a ni a. Tin,
truck carriage atan hian nuai 17 sing 8 sang 7 leh 484 a
ni a. A total-in nuai 58 leh sing 3 leh sang 6 leh 145 a ni
ta a ni. Aizawl bika 1982-83-a kan truck engage dan kha chu
constant number kha a awm thei lova, a khaw awmdan a zir zir
khan a danglam lo thei lo a ni.

Ruah a sur nasat em avang hia-n
tui hi chu a nu a ni. Hemi kan pump ami te pawh hi a filter-
in a zawh loh vangin a nu ani. Tin, a theih anga thui hi chu
truck-ah a nih loh pawhin bleaching hian treatment pek a ni
a. Chu chu member zahawm takin a zawhna hnunung ber chhanna
kha a ni, Pu Deputy Speaker.

* PU SAIKAPTHIANGA :

Pu Deputy Speaker, hemi Aizawl
khawchhunga tui, pipe kan theih hi
thenkhatah chuan thla khat dawn

dawn a ro mai a. Tin, hmun thenkhatah ve thung chuan sum-
dawn. nana hralh tham khawpin a hawng a. Chung thil dik lo
tak te chu a tawp theih nan hemi tui kan laknaah hian
Sorkin tui haw tam dan en theihna tur metre dah a tum em ?

* PU LAHMINGTHANGA
MINISTER.

Pu Deputy Speaker, member zahawm
tak rawn zawhna kha a pawimawh
viau a. Tunah hi chuan private

connection fee Sorkarin a va lak hi thla khatah Rs.30/-
a ni a, nominal rate khan a la ringawt mai a. Hmei metre
viah theihna tur hi chu tui tam deuh hle-kah, tin, nominal
rate ni lova a tui hman tam dan a zir zela a fee thirna
angah kan ti thin a. Tunah chuan kan supplying capacity
hrim hrim hian metre vuah kha a la zo lovin ka hria a. Tin,
a connection neitu te tan pawh kha kha a beneficial lovin
ka ngai a. Amaherawhchu nakinah chuan la tih loh theih loh
a ni ang a. A pawimawh bera a chu a distribution a hi keini
pawhin tihruah kan tum khawp mai a administration lam atang

chuan, mahse complaint hi chu kan hmu reng a ni. Tlem tlem chuan siamthat chang pawh kan nei a ni. Amaherawhchu gravitation system te s'lo ni a, khatah khan a bulk leh thil chi hrang hrang atanga control a lo ni a. Chungah chuan kan hnathawktute an la chiang tawk lo deuh pawhin a lang thin a. Hei hi member te pawhin min lo thlirpui thiam bram bram a pawimawh a. Tunah hian kan tum ang he hu in a distribution hi kan tirual thei chiah lo a ni.

* PU JOE NGURDAWLA : Pu Deputy Speaker, engemaw thil mawl te te hi chu tihfel theihah pawh ka ngai lova. Amaherawhchu a sang puia hi tlin a ngai a. Hmanah khan kan Minister khan hemi water supply scheme, Aizawl chungchang kha a rawn sawi tawh a. Hemiah hian contractor te thil hriat loh vang nge ni, tui store-na tur tap tak kha a progress thei mang lo niawmin a lang a. Hemi scheme hi eng angin nge a kal kha? Tin, khawilaiah nge helaliah hian bottle neck an neih? Beisei aini a than a thu deuh tlat mai a. Chiang kuang deuhin kan Minister hian House a rawn enlighten thei em aw?

* PU C.PAHLIRA : Pu Deputy Speaker, keini Republic Vong sawn Pu R.V. Lawma kawmthlangah kum khat dawn lai a ni ta a, tui pipe vantlang hman tur an rawn pe ve a, ni khat chiah a lo haw a, vawlin ni thleng hian a lo la haw leh ta reng reng lo mai a. Tlangval thinrim hian zanah te hian an vaw leh bur mai thin a, kan zu khap leh ringawt mai thin a ni. A kawih hian a kawi ngeng ngung tawh mai. Sawliah sawn kan khatah vawi hnih/vawi thum chu an ti haw thei mai lo'm ni? Pipe yuah ve ringawta hawthei ta reng reng lo mai saw kan mangang deuh a ni.

* PU C.L.RUALA : Pu Deputy Speaker, member te hnenah hian free water supply tumna a awm em?

* PU LAHMINGTHANGA MINISTER. Pu Deputy Speaker, a chhanna a tawi deuh a, a hnuhng ber kha ka han chhang hmasa ber ang e.

Free water pek tumin hei kan examine a, eng engemaw rules leh act te amendent ngai a awm a. Chu chu amend dan tur zawng ila kan tih mek a ni.

Tin, Sateek bial member zahawm tak rawn zawhna kha - vawikhat chauh a haw kha chuan, keipawh a huatthlala angreng viauin ka hna a. Engpawhnisela a haw regular ang tih chu ka sawi thei chuang hauh lova. Engineer te kan tir ang a, kan entir ang chu.

Tin, Khawbung bial member zahawm takrawn : zawhna kha - hemi Aizawl water supply scheme hi, Sorkar kan pen chak lo em em a, a pawl khawp mei a, A hmasa berah chuan hemi a upmentation scheme face 1 leh face 2 hi 1978 chho khan buatsaih a ni a. Chumi atan chuan crore 2 leh ruai 50, face 1 leh face 2 atan Central Sorkarin min pe a ni. Chumi dan ang chuan tui khuahna lian ber ang chi 1 leh subsidiary tank pakhat a awm ang a. Tin, a semdarhna tur kha hmun 16-ah Aizawl khawpui hmun hrang hrangah hian a awm tur a ni. Tin 8 inches diametre hmanga Tlawng atanga face 7 a pump chhoh tur a ni a, Tuikhuahtlangah. Tin, Tuikhuahtlang atanga Laipui tlangah sawn Pumping base pakhat hmanga pump chhoh leh a, chutiang ang chuan main reservoir kha pakhat awm leh tura buatsaih leh a ni a. Chumi hna chu kan han tan a, 1978 chho vel atang khan. Hmun 10-ah khami tuizem kha buatsaih turin contractor te hnenah pek a ni a. An rate te a hnam deuh hlek a, vawin ni thlang hian tumahin chutiang tuizem chu an la puitlin ta ta rih lo a ni. Tin, an puitlin loh bakah khan thawh duh lo te an awm a. Chutiang chuan a hranin kan ngaituah leh ta a. Tin, pump turte leh material hrang hrang kha chu engemaw chen kan lei a 1981 kan lo thlang ta a, chharpui kan han nei leh ta a. Khami a upmentation scheme a kha han tipuitliang teh reng pawh ni ila mi pakhatin ni khatah tui kha gallon 2 pawhin a chang dawn ta chuang lo a ni.

Chuvangin Aizawl khawpuiah population a lo tam leh tak si avangin kan la kal thui lo bawk a, hei hian min daih tawh dawn lo a ni tih hriet reng a, tih puitlin tum hram hram ai chuan a tharin i buatsaih leh ang u, hei mi 78000 vel kan awm ta a ni a. Ni khatah mi pakhat tan gallon 30 zel kan hmuh theihna turin face 1 leh face 2 hi buatsaih ila kan ti a. Tichuan tun kum khan a tharin kan engineer ten an buatsaih leh ta vak a. Tichuan Central Sorkarah a dinhmun te kan zu sawi leh ta a, face 1 complete nan chuan cheng vaibelchhe 4 leh ruai-3 45 a ngai dawn a ni. Chu chu anni pawhin a principle-in min lo pawnsak a. A hmasa ang hian han ti mah ila mipuiin an la hnenhnan phah dawn chuang lova an ti ta a. Hman ni a budget speech-a ka sawi ang deuh hlek khan chu chu technical clearance turin tunah hian kan thawh a. Chu chu kan hmuh thui pawh ka heisei a. Tin, tunah chuan a tihdan kha danglam ta ila kan ti a, contractor ho hnena thil han pek thin leh eng engemaw hi helaiah hian thil a duh thui thin a.

Tin, water pumping tin ang velah hi chuan contractor te zingah expert em em a kan awm lo bawk a. Chuvangin tunah chuan turn key basis-in khami a hna tam tak kha chu upmentation scheme kan revise ami hi chu pe ilangin kan ti a. Chumi tur atan chuan kan PHE/SE hi tender kohdan turte leh khatieng ang zuk zir chalang tur khan phailamah kal turin kan ruahman mek nghe nghe a. Tin, chumi a scheme chu mi sing 7 leh sang 8 vel Aizawl khawpui ami tena nitina gallon 30 vel a dawn theihna ang tur capacity a kal tur ang a kan buatsaih a chu tun atanga kum 2 leh a chanve ah emaw kum 3-ah emaw chumi inkarah chuan zawh theih tur ang a part time a siam a ni a. Amaherawhchu khangahte khan a ni chihaha zawh theih loh palh te pawh thil

awm thei a ni. Mahse tunch hian serious takin kan kalchhoh
pui zel chu a ni a. Hei pa engtingge kan kal chhohpui zel
theih ang tih a ni.

* PU V. LALNUNZIRA :

Pu Deputy Speaker, ka hriatdan
a dik chuan Ramhlun vengah sawn
water point pakhatmah ka la hmu
lova. Chuvangin kumin chung ngei hian kan Sorkarin a rem-
channa hmun hmunah water point engemaw zat pek tumna a nei
thei em? Nei lo ni ta se department hrang hrang atanga
pawisa hawh a tihdan kawng kan nei thei ang tih assurance
mkn pek theih dawn leh dawn loh ka rawn zawt duh a ni.

*?PU LALHMINGTHANGA
MINISTER.

Pu Deputy Speaker, khawilai laiah
nge a tui? Ramhlun veng zawk khan
min rawn hriattir sela, kan en ang.

PU C. VULLUJALA :

Pu Deputy Speaker, kan zawhna
hian Aizawl pawn pawh a huam phak
avangin zawhna pakhat shiah ka han
zawt ve ange. Lengpui Water Supply Scheme hi PHE in an khawih
an khawih a, an khawih zo chiah a, Republic Day khan hawn
tura tih a ni a. An han zo chiah a, mahse tui kha a luang thei
ta lova, vawlin ni thleng hian a chawl ta deuh mai a ni tih hi
Sorkarin hria sela ka duh a. Chumi dawt chiahah chuan khutiang
hmun zawl deuh dupah tui a luang tha thei lovang tih rinna a
tangin nikum khan kan CM nen Km. 10 vela hla, khimi Hmunpui
thleng deuh thaw ami khi zotui thieng em em mai gravitation-a
lak theih tur a awm a. Chu chu khulai Sorkar department a
fail deuh thaw chu pui tuah a tang ta mai ang a. Chumi tui
tha tak lak theihdan tur chu rawt ta sela. Sorkar khaw
khat atan scheme 2 a theih love a ti tlab dawn nge, tha lo
na na na chu kan ti lo tur alawm ti tein a ngaihtuah theih
angem tih ka zawt e.

PU K. BIAKCHUNGNUNGA :

Pu Deputy Speaker, zawh belhna,
chutia Aizawl pawn lamah te kan
chhuak rau rau a nih chuan
kan Sorkar hmuah tui tha taka khuhin Aizawl mipuiten tang-
kai takin an hmuah ta a, a lawmawm hle a. Chhingchhipah
khian tih veleh tur ang deuh a ruahmanna a awm a. A amount
kha a tam em em avangin hetilai miah tih theih loh a ni tih
a ni a. Tichuan Central lamah an approve tur niawmin sawi
a ni a. Chu chu zuk sawi tawh niawmin a lang a. Amaherawhchu
an rawn chhan hun chung hi a rei ta hle mai a. Eng chen nge
kan la ngah dawn?

* PU LALHMINGTHANGA
MINISTER.

Pu Deputy Speaker, khami kha chhan
a rem deuh a, ka han chhang
ange - hman ni deuh khan ka zu kal

a. Tunah hian Zemabawka va hmuaah a ngai a, members khan tunah min hriatthiam chuan kal mai a ngai tawh a. Sentence khat lekin min zawt mai ula (C.L.Ruala : Pumping Scheme a ti nge Gravitation a ti) Lengpui Water Supply Scheme kha a haw thei mang lo tih a nih chuan engpawhnise a detail-in ka hre lo thuai mai a, a nih duh hmel a, pumping a nih chuan a chik a chik a ni ang a. Lehkhabu an ruahman ang chiah hian a thaih loh changte pawh a awm ve a, hei hi chu kan lo en leh ang a. Tin, Scheme dang kha chu ka hre chiang lo a ni, report engmah Sorkarah lo lut a la awm rih lo a Lengpui chungchang thuah chuan.

Tin, a pahnihaah chuan Chhingphip Water Supply Scheme kha, hei hi a dan tlangpuiah chuan khaw pakhat atana scheme pakhat kan han siam a, a total cost khan lakh 15 a exceed chuan Works & Housing Ministry khuan technical clearance atan mahniin an tih a ngai a. Lakh 15 hnuai lampang a nih chuan hetilaiah hian keimahnin Administrative Approval leh Technical Clearance kha kan pe thei a, khami atana thawn kha a ni a. Tin, kan President pawh khan min hrilh tawh a. Engpawhnise a chhanna hi kan la hmu lo niin ka hria a; Delhi kal hunah ka lo bawhzui ange ti khan kan in hrilh tawh a. Engpawhnise a chhanna chu kan la hmu rih lo a ni.

DEPUTY SPEAKER : Zawnha hun a tawp a, kan List of Business No.2-naah khan kan kal ang a. Private Members' Business-ah kan kal ang a. Private Member Resolution kha Pu C.Pahlira resolution a ni a. Hetah hian amendment siam duh kan awm em? tiin Assembly Secretariat atangin member te hnenah March ni 21 khan pek a ni a, amendment engmah a la awm tih lo.

Tunah hian Pu C.Pahlira hi a resolution chhiar chhuakin a pawimawhna chhan, a tul a tih ang rawn sawi pah turin kan sawm ang.

PU C.PAHLIRA : Pu Deputy Speaker, ka resolution hi move min phalsak turin ka rawn dil e. Ke resolution chu hei hi a ni e-

"This Assembly is of the opinion that the Government of Mizoram takes effective measures to start building a sport complex at a suitable place, where training and coaching etc. can actively persued"

DEPUTY SPEAKER : Kan member zahawm takin a rawn dil kha move kan remti em ?

* PU JOE NGURDAWA : Pu Deputy Speaker, khami lai kha ngaihtuah ngun a ngai viau a. A resolution hi -

"This Assembly is of the opinion that the Government of Mizoram take effective measure to start building a sport complex at a suitable place, where training and coaching can be actively persued" a ti a. Sorkar-in effective step a lo la e, sport suitable place a din turin, chuta training leh coaching te tihna turin, tihna a ni mai a. Sorkarin la sela tihna a ni chuang lova. A lo la a nih chuan a tha chu a ni mai a, a lo lak loh chuan tih ngaihna a awm hrampa chuang lova, pass pawh ni ila. Khalai thu kha, kan member zahawm tak khan Sorkarin la ngeiin a hria a, chumi a rawn tarlanna nge ni a. Chulaia chu han pass a han sawiho a tangkai a ni em? Effective step an lo la a nih chuan a tha a ni mai a. Han pass pawh ni ila engemaw kan dinmun chiah tur laia kha, statement awm sa a ni mai helaia hi.

* PU C. PAHLIRA : Pu Deputy Speaker, mahni tawng lovin resolution kan siam a, sap tawng ka thiam lo a nih chuan le, ka hre lova. Amaherawhchu hetilaia ka lo zich hi ka ngaihnan chuan Sorkarin effective a a tih theihna tur zu ngenna a a ni a. Hei, lehkha thiam tak tak in awm hlawn a, a hmasain helaia ziak hi in hriat dan zu sawi ve phawt . teh u. Ka lo tisuai a nih chuan ka tuma chu effective measure la tura Sorkar hi ngen ka tumna lam a ni e.

PU C. LRUALA : Pu Deputy Speaker, kan finkhur vak lo chu a ang viau mai a, ka han sawi duh zawka chu Assembly kan tan ni a zawhna thenkhatte kha chu grammer taka zu thuir chuan kan grammer zir laia future perfect continuous tense in a passive voice an tih ang deuh kha niin ka hria a. Tichuan hetah hian thil hmaih a awm niin a lang a, present tense tih dawna nih chiah mang lohna laite pawh a awm a 'Government of Mizoram takes..' tih awm tak a ni a. Chuvangin hmaih pakhat a awm niawm tak a ni, present tense unga a lan theih lohna lai kha a awm ve si a. Chu chu dah ni ta mai sela 'This Assembly is of the opinion that the Government of Mizoram should take effective measure to start building a sport complex at a suitable place where training and coaching etc. can be effectively persued' Pakhat kha kim lovah ngai ta ila, a tih tuma kha chu a rawn sawi tawh a. Kan Sorkar hian sport complex buatsaih nan theihtawp chhuahin tan la sela, tichuan coaching te pawh tha zawkin kan ti thei ang tih kha a tum a ni mai chuan ka hria. Hawrawp pakhat kha kim lovah ngai mai ila. Chutichuan kan admit thei mai lo'm ni ?

PU BUALHRANGA : Pu Deputy Speaker, kan mover tura khan a la move loh avangin lo move tum mai chu a theih loh ang a. Kan mover zahawm takin a tum kha chu ka hria a. Hemi

sport complex tur hi hmun remchangah Sorkar hian la thuai thuai rawh se, tih kha House ngaihdan ni se a duh a ni mai a. Chuvang chuan he Sport Complex la thuai thuai tura Sorkarin tan a lo kaldan emaw, a la lak lohndan emaw Sorkar aiawhin Minister concern hian sawi chiang sela. Tichuan move a ngaih leh ngaih loh kha a lo lang chiang dawn a. Chu chu kan kaldan turah a tawi zawng a ni mai awm mange ka ti.

* PU HIPHEI :

Pu Deputy Speaker, ni e, a tum hi a chiang viau a. Zawhna dangte pawh kha a grammer tak takah chuan a dik lo vek a. Entirnan, "Will the Hon'ble Minister i/c P.H.E. Department etc. be pleased to state" tihte kha a dik ta lo phawt a. Hetah, "Will the Hon'ble Minister i/c P.H.E. Department be plased to state" kan tih tawh chuan "The amount of expenditure tih tawh mai tur a ni a, "What is the..." tihte kha a ngai tawh lo reng reng a ni. Chuvangin a grammatical-a kan tum leh tum loh lam ni lovin a tuma hi a hriat chuan a dik ang chu. A sense pawh hi chuti tehchiamin a dik lohna a awm lo a ni. A dik dan chu - Mizoram Sorkarin sport complex khawilai hmun remchangah emaw siam turin effective step la sela, chumi 'tate effective' tih taka kha 'sela' tihna a ni thei tho ang chu. Kan dana amendment siamah chuan engemaw mistake ringawt kha chu written kher lo pawhin a siam theih a. Hemi a tuma hi chu pawmsak theih niin ka hria.

DEPUTY SPEAKER :

Chuti chu move turin sawm ila, chutah move kan phal chuan a ngaihdan kha rawn hrilhfiash sela.

PU C.VULLJAJA :

Pu Deputy Speaker, move tura hi a ni ka buaina lai chu. Helai hi statement of fact ang khan a dah a. Hei hi member zahawm tak Pu Hipheia han lehlin ang deuh khan zo tawngin ka han letling dawn ang a - he Assembly ngaihdan hian chuan sport complex hmun remchangah training leh coaching tihna turin hna chak takin a thawk mek a ni tih hi he House hian a ngaihdan chuan a ti tlat a ni, chu chu move tur a awm lo; 'Nia' kan ti ang a a ni ringawt mai a ni.

* PU F.MALSAWMA
MINISTER.

Pu Deputy Speaker, tuna a leh dan khan Sorkarina a neihdan kha min hriatpui a, a rawn sawi chhuak niin ka hria a. Amaherawhchu duhthawh thilah hemi hi Sorkarin chak zawkin rawn kalpui rawh se tih hi a tum tak zawk chu niin ka hria a. Amaherawhchu move dawn chuan amendment tihte kha a lo ngai dawn si a. Chumi

ngai lo tur chuan sawifiah mai khan a theihin ka hria a. Heta a sawi ang hian effective measure chu kan la reng a. Chu chu Planning Commission-ah te kan thlen tawh a, 6th. Plan Provision-ah te kan telh vek a, Planning Commission. pawhin min pawnsak vek a, tangkain a daih tak loh avangin kan la ti thei -lo mai a ni a. Chuvangin Delhi thleng thlengin effective measures chu kan lo zu la tawh a. Chuvangin 6th. Plan chhungah pawh khan approved zingah a tel vek tawh tho a. Chuvangin Sorkarin tan la leh zual turah ka ngai mai a ni.

* PU C.PAHLIRA : Pu Deputy Speaker, ka han sawi leh lawk ang e. Sorkar chuan sport complex lampang hi theihtawp chhuah in a bei a. Mahse helaiiah hian Sorkarin Building Complex rawn grant nghal rawh se tih kha kei chuan helaiiah hian nawr ka duh chu a ni mai a. Chuvang chuan a move min phalsak thei mai lo'm ni ?

* PU BUALHRANGA : Pu Deputy Speaker, Minister concern khan chiang takin Sorkarin effective measure a lak tawh dante a rawn sawi a, 6th. Plan chhungah pawh an khung tawh a. Tichuan pawisa a lokal chuan pawisa nen chuan sport complex chu sak a ni mai dawn a. Chu bak chu pass mah ila kan Sorkarin tih theih a nei chuang vek dawn lova. Tah hian resolution rawn pu luttu kha a lungawi mai thei lo em ni aw, pass mah ila, kha bak chu Sorkarin a ti thei dawn chuangin a lang tlat lo mai a. Chuvangin thil lo ni sa pawh pass hnan ang deuh kha a ni dawn a, pawisa awm veleh a sak mai- tur a ni tih chu thu sawm sa a ni tawh si a, telh nawn leh kha a chakna tur kha a awm chuang bawh lova, a lungawi thlak viau lo'm ni ?

* PU C.PAHLIRA : Pu Deputy Speaker, kan budget te pawh tih danglam chuan hlek loh tur, zan dar 8 thleng thlengin kan sawi vek vak a, a kum leh atan thil tangkai a lo chhuak mah na tiin. Chutiang ringawta indan tum chu thil ni theiin ka hfe lova. Chuvangin ka lung a awi hauh lo (Deputy Speaker : Budget hi chu heta discussion kan neih a, kan pass a, hming kan sign vek loh chuan Sorkarin a hman thei hauh lo a ni. Kha nen kha chuan hei hi chu a dan a dang a ni)

* PU K.LALSANGA : Pu Deputy Speaker, i rawn sawi ang chiaah chuan tuna kan member zahawm takin move a rawn dil leh kha budget nena a danglamna lai chu, Budget Discussion-ah chuan kum leh atan te thil thar tam tak a sawi thin a. Amaherawhchu hei hi lo pass ta pawh ni ila a danglam chuang lova, Sorkar thiltih tawh ti nawn leh kan ni chauh a, Minister bawn sawi ang chiaah khan,

Tin, kawng lehlahmah chuan he resolution hi kan member zahawm tak, Tuipang bialtu ina grammer chungchang thu a rawn sawinaah khan, question nen a in ang lova, resolution a nih dawn chuan a thuin awnzia a nei tur a ni a, tin, a grammer pawh a dik bawk tur a ni, question nen chuan a ngaihfin theih loh ka ring a, hei hi a kal theih deuh tuk a. Chuvangin amendment te a ngai dawn bawk si a. Chuvangin Minister leh member zahawm tak Serchhip bialtuin a rawn sawi ang khan pass chuang lovin a nih ang mang khan kal tawp mai ila tha ka ti e.

* PU LAL THANHAWLA : Pu Deputy Speaker, ni e, kan Minister in-charge zahawm tak khan a rawn sawi chiang a. Hmanah pawh kan pass tawh a, Assam Rifles lammual hi a remchang ber a, kan pass tawh a, vawlin ni thlengin engmah tih a la awm chuang lova. Mahse kan Minister concern khan a harsatdan a sawi tawh a. Chu chu thudang ni sela. Khatiang anga grammer mai mai a inhnial inhnial kha saptawng ka thiam loh vangin tul ka ti lova, inhmuhstitna lam pawh a kawng ang tih ka hlau a. Tin, a resolution neitu tan a lainat thlak ang tih ka hlau a. Chuvangin kan tih loh atan thain ka hria.

Tin, hman kuma state bill kha thahnem ngaiten an lo correct sak a, an lo amend sak mai a. Chuvangin tunah pawh hian heti zawnga thahnem ngai chu ni se an lo correct sak leh mai tur a ni a- Mahse an lo correct a, an lo amend kha a duh loh vangin a move duh ta lo kha a ni a. Tunah pawh hian chutiang deuh chuan thahnem ngaiten chuan lo tihsak leh mai awm a ni a, mahse chuti lovin an sawisel a, hei hi a dik ka ti lova. Chuvangin member zahawm tak, he resolution rawn pu luttu rilru hi a tha a, tin, resolution rawn xslam a, thahnem ngaihna rilru a rawn nei pawh hi lawmawm ka ti a. Chuvangin a move kha phalsak mai ila, kan pawm sak loh leh member te thu a ni a. Chu chu dik zawkin ka hria.

* PU C.PAHLIRA : Pu Deputy Speaker, hemi resolution ka thehluh hi tunah a copy ka lo kawl lova. Chuvang chuan helala awm lo hi nichina member ten an rawt tawh ang khan 'should' tih hi belh min phalsak mai ula, tichuan in pawm thei mai lo'm ni ?

* PU C.L.RUALA : Pu Deputy Speaker, tun tumah hian private resolution dang pawh a awm chuang lova, a awm chun a ni bawk a. House-a resolution a rawn put luh hi sawiho hma pawh kan phalsak loh mai chuan a dik lova. Nichina kan sawi ang khan typing mistake pawh a ni maithei a, word pakhat belh mai chu a har lova, move kha a thain ka hria.

* PU JOE NGURDAWLA : Pu Deputy Speaker, kan member zahawm tak khan 'in hmusit' tihte kha a rawn lam a. Kha kha a ni lo-va. Engemaw han khel tur hi chu duhtui ve a ngai a. Chumi a nih loh chuan lo correct sak mai awm han tih pawh kha a ni chuang hauh lova. A sense taka kha mi duhdan a ni em tih in zawn chian hi a tha a. Chuvangin in hmusit e, sit love tih member zahawm takin a rawn sawi chhuak kha mawi lo ka ti khawp mai zawk a. Amaherawhchu tuna member zahawm takin a rawn sawi ang a 'should take' a nih a, khami kha a move-tuin a mean a nih chuan kha pawh kha a rawn move chu tha ka ti a. Khami awmzia kha a duh a nih chuan pawm mai kha thain ka hria.

Amaherawhchu thil zuk khel chian hi chu a pawimawh fo a ni. Chulai chu hriat a pawimawhin ka hria.

* PU ELLIS SAIDENGA : Pu Deputy Speaker, kan member zahawm tak khan rawn sawi tawh mai sela, kan sawi chhoh zel danin a zir tawh mai ang chu mawle.

PU C.VULLUJIA : Pu Deputy Speaker, point khat chiah. 'Rul thi hmu vuak leh a tul em ni?' tih kha a ni a, a move chu a right a ni a, phal a dik hmel a. Amaherawhchu nakin-ah khan kan sawi kan sawi ang a- Nikum lawka kan pass wawina pass leh kha kan duh lova, a tlak palh pawh a thin a nat theihna lai kha kan member pui a nihna lai kil atang khan tuna kan in hrihfiah atang khan a tul loh zia hre veka lungawi taka tih ngo tha tha anga, lo tla palh ta ni sela lungawi tho tur tihte kha tlang takin kan sawilang duh mai a. Chumi ngaihtuahna siam tur chuan move tur leh withdraw tur chu a thu a ni ngawtin ka ring.

* PU C.L.RUJALA : Pu Deputy Speaker, kan Minister in-charge pawh khan he resolution hi move a nih hma chuan theihtawp chhuah a tan lo lak zela kha a asure thei chuang hauh lova. Chuvangin a rawn move ang a, hei kan tih mek a ni a, chutiang khatiing chuan kan ti zel dawn si a, assurance a pek che u a, a ngai lo nia a hriat chuan withdraw pawh withdraw leh mai tur alawm.

DEPUTY SPEAKER : Tunah resolution naitu Pu C.Pahlira khan he resolution hi he House-ah hian move a rawn dil a. Move kan remti tlang em ?

* PU K. LAISANGA : Pu Deputy Speaker, kan member pakhatin saptawng thiam lo ti zawnga a rawn sawi kha rawn sawi ve leh lawk ka duh a, Hei hi khatiang zawnga kan ngaih loh hram hram ka duh a. A chhan chu hman kumah khan resolution kan nei tawh a, a tawng ulh deuh a kha chu kan in hrilhfiah a, kan in paih sak a ni a. Dan lampang thil a nih vangin hei hi chu kan uluk ngaiin ka hria a, inhmuh-sitna lampanga kan ngaih loh hram hram thain ka hria.

DEPUTY SPEAKER : A move kan phalsak a, amendment kha -

"This Assembly is of the opinion that Government of Mizoram should take...." tih ang khan rawn move sela.

PU JOE NGURDAWLA : Lo amend ngawt kha a dik bik lova, han ti phawt sela, amend rawn dil leh zawk rawh se.

DEPUTY SPEAKER : Chuti a nih chuan rawn move sela, amend rawn dil leh sela. Tichuan House ngaihdan kan la ang. I move House-in a phal tawh a, i rawn move ang a, tichuan House ngaihdan a thu a ni tawh ang.

* PU C. PAHLIRA : Pu Deputy Speaker, vawinah ka resolution move House-ah min phalsak avangin lawmawm ka ti hle a. Hetilala kan tawngkam lo kim lo deuh hi tihsual palhah min lo ngaihsak mai ula. Chuvangin 'should' tih hi telh ila, chu chu min lo pawmsak turin ka ngen nghal che u a. Ka han chhiar chhuak leh ange.

"This Assembly is of the opinion that the Government of Mizoram should take effective measures to start building a sports complex at a suitable place where training and coaching etc. can be actively persued" tih hi a ni a.

He resolution ka rawn siam dawn hian tunhmain hei hi Assembly-ah an lo pass leh pass loh ka hre lova. Thenkhatten hei hi sawihona a la awm lo a ni awm mange tihte ka hriat avangih he resolution hi rawn thelut ka ni.

Tin, tukin zing malah khan hei hi tunhmain lo pass a ni tawh tih ka hria... (Pu Joe Ngurdawla : Helala 'should' tih lai hi amend ka duh a, chu chu an phal leh te te hunah sawi zawm se a tna ang) Pu Deputy Speaker, chuti a nih chuan ka dil e.

DEPUTY SPEAKER :

Chuti a nih chuan a resolution -

"This Assembly is of the opinion that the Government of Mizoram should take effective measures to start building a sports complex at a suitable place where training and coaching etc. can be actively pursued" tih anga rawn sawi turin i sawn ang u. Amendment chu kan phalsak a.

* PU C. PAHLIRA :

Pu Deputy Speaker, Mizofate hi infiamna lampang ngaina chi kan ni a. Kan naupan lai chuan kan

feh hawng hi impte pui kan han keuh tawrh a, mau tiangkawn nen kan inkhel rap tap mai thin kha a ni a. Hei ram in hma a rawn sawn zel a, mi ram ang ni lo mah se khaw tam takah khelmualte kan han nei ve zel a. Tin, kan sikulah te pawh hetiang sport lampang hi lakluh a, uar a nih zel avangin tunlai nu leh pate phei chuan infiamna lampang kan lo uar vanga hnathawh lampang mula leh tlangvalin an lo tih hman loh hi khaw tam takah chuan an sawisel dawn dawn thin a. Chutiang khawp chuan infiamna kan uar a. Zir lai thenkhatte phei chuan an zirna lamah an bahlah phah lek leka sawinate pawh a awm thin a. Amaherawhchu infiamna hi khawvel pum-puin an ngaisang em em a. Chu chu mite intlansiakna a lo nih ve bawk si avangin keini ram pawh hian kan hnuchhawn thei hauh lova. Tin, infiamna hian kan nula leh tlangvalte rilruah changkanna thui tak a pe a. Thil sual ngaituahna tam tak kha heng avang hian a thulh phah thei bawk tih a hre tute vek kan ni a. Vawinah hian sawi tam tehchiam ka tum lova, kan zingahnte ngei hian sport lam uar loh thiam tak takte in awm a. Chung ho chuan a pawim awndan chu kim-chang zawka an la rawn sawi ka duh nghe nghe a. Melalah hian ka ngaimawh ve zia rawn tihlan ka duh mai a ni. Sport lampang hi hmun hrang hranga ka intlar ve theihna chhun a ni a. Chumi ni a ka hriatna chu, tuq tum Delhi khawpuia Asian Games-ah khan khaw chhak lam mi, keimahni ang tiat lek lek a hmeltia an tek nak nak mai a. Khangho thil thiam zia leh an chak ziate han hmuh khan rualawh a tina em em a, keini nula leh tlangvalte ho pawh hian khong kha an tih theih lohna bik tur awmin ka hre thei lova. Chu chuan ka rilru a khawih em em a. Tunah hian keini Mizo nula leh tlangvalte hi hetiang infiamna kawngah hian kan la hniam hle kan tih chuan zirna tha kan nei lova. Tin, khelmual tha leh indoor stadium tha te kan la nei lova. Chung avanga hniam mai mai ni chuan ka inhria a ni.

Hmanah hemi chungchang hie Assembly House-ah ngei hian in lo sawiho tawh nachungin hemi pawimawhzia hi rawn sawi nawn leh tulin ka hria a ni. Tin, ka lo hmuh ve dan chuan infiamna lama thui tak kan bahlahna thenkhatte chu, zuk leh hmuam vang te, discipline kan tlakchham vang te, coaching tha kan neih loh vang te niin ka hria.

Tin, tunlala kan han kalsan leh deuh hlek hnua chuan India ram pumpuina a hri vei, he-tiang infiam tura kan han thlan chhuah chungchang thuahnte hian a selection-ah hian engemaw fel lo a awm duh viau mai a. Chungte pawh chu vawin ni atanga kan lo sawi lawk chuan chutiang thilte chu lo dan theihna dan kawng a awmin ka beisei a ni.

Tin, khalala ka resolution move-
ah khan sport complex a hran liau liauin siam ni se tih
kha ka rawn sawilan chhan a ni a. Tin, khami ka sawinaah
khan rawtna ang deuh, ka duh thu han sam belh ka duh chu;
hei hi Directorate hran liau liauin awm sela. Tin, a hmun
tura pawh hi Aizawl khawpui ni lovin thingtlang hmun fian-
rial reih rawihah quarter tha tak tak te, facilities chi
tinreng buatsaih theihna hmun. Khelmual pawh a tul anga
game chitin reng an zir theihna tur, indoor stadium te pawh
buatsaih theihna hmun tur ngaihtuah ni sela ka ti a. Chung
atan chuan ka duhtusamah chuan a theih hram chuan Mizoramah
hian chutiang chu hmun hnihah tal neih theih ni sela, pakhat
atan chuan Thenzawl khua a hmunin a zo bawk a, tunah pawh
field puitling pahni an nei tawh a. Tin, a pahnihaah chuan
Khawzawl khi hmun remchang tak a ni a, khawvel piahlam, Assam
Rifle te awma piah lamah te pawh hian hmun remchang tak a
awmin ka hria a. Tin, khilalah khian chhim leh hmar hawi
zawnga kaltlang turin kawngpui rushman mek a ni a. Chhak
leh thlangin a paltlang tawh bawk a. Tin, Thenzawl pawh
chutiang bawk chuan Serchhip atangin chhak leh thlangin
a paltlang a. Tin Aizawl - Lunglei kawng hnei ber chu
PWD-in hma an lak lai mek a ni bawk a, hmun remchang tak
niin ka hria zu nia !

Tichuan a hran ngata sport
complex a lo awm chuan discipline chungchangahte kan harsa
dawnin ka hria a. Chuvang chuan thingtlang lama awm ngei kha
ka han rawt duh deuh a ni.

Awle, ka sawi tawh ang khan hemi
pawimawhia hi kan hre tlang theuhin ka ring a. Helala sawi
tak tehchiam pawh ngaiin ka hre lova, kan member dangten a
pawimawhia leh a tuldan chu an la rawn sawi deuh deuh ang a.

Tin, thil pakhat han sawi chhuah
leh ka duh chu Mizorama sport lama kan officer te ngei India
ram pum huapa Sport Council-ah hian member pakhat tal dah
ni ve se tih rawtna an lo zu nei tawh nghe nghe a. Amah-
erawhchu khuta tanga ngaihtuah tuten North Eastern Region
atangin pakhat tal ni se tiin chung an zawhnate chu an lo
let a. Tunah hian Arunachal atangin member pakhat an ruat
daih mai a, chulalah chuan ka vui deuh hlek a. Chuyangin
kan Sorkar te pawh hian Mizoram atangin member pakhat tal
chu a hrana zu phut leh ka duh nghe nghe a. Chu chuan
Mizoram tan thil tam tak a rawn nawr chhuah leh theih
phahin ka ring a. Chu chu kan hotute ka han ngen duhna
a ni.

Ka lawm e.

* PU JOE NGURDAWLA :

Pu Deputy Speaker, resolution
tha tak mai, Sorkar encourage
tak mai a ni tih a hriet mai
a. Nichina kan han move tak ang
khan Motion of Thanks Sorkarin a
lo ti hi a lawmawm a, tihna ang

te kha, a eng zawng zawng pawh kha Sorkar va encourage-na leh a thiltih va pawmpuina anga pawh kha thu tling tak a ni tho mai a. Tin, hma la rawh se tihna angte pawh kha thu tling tak a ni tho mai a. A eng lampang zawk hi nge ni tja kan hari khel a te pawh kha thahnem ngaihna leh hrilh-fiahna a ni a. Saptawng thiam leh thiam lohna lampang zawkah ni miah lo khan khalaia kha kan hriatthiam a pawimawh a. Hemi House-ah hian rilru chhia leh dik lo a awm hauh lova, eng kawng pawhin sawi mah ila thahnem ngaih vang vek a ni a. Chutiang ang zawng kan ngaihtuah chu a ngai viauin ka hria.

Hemi resolution-ah hi chuan a clangpuin tha ka ti em em a. A move-tu khan subject dang-ah khan a kai hma mah mahin ka hria a. A tum pawh hi a hriat a, sport complex han siam a, infiamna chi hrang hrang han telh pawh kha a ni a. A tum tak chu Mizoram sport lampanga promote-na tur tih a hriat mai a, a tha em em ang tih a hriat khawp mai a. Amaherawhchu khawilalah nge ni ang tih erawh chu hriat a har a, Sorkarin a en tur a ni mai a. A pawimawh chu zero hour a ni na a, kan Minister lampang khana han tawng deuh zauh a, kan hriat rengna chuan kan la hria a, record ni lo mah se. Khami vel atang khan helalah hian step eng ang nge Sorkarin a lak tawh a, engti hawi zawngin nge niang? An thiltih tawhte hi kan member thahnem ngaih ang hian Sorkarin a lo ti tawh em? A ti tawh a nih chuan zuk pass leh pawh chu thil chuangtlai deuh zuk nihna lai pawh a awm thei a. Amaherawhchu engpawh-nisela a rawn thawk tawh tih chu a hriat a. Sorkarin tih lai lo neiin heng ang chiah hi lo ti pawh ni sela, hemi ina a rawn deng hian member ten vei zia kha a tilang leh zuai dawn a. Chuvang chuan a sawt em em tih chu a chiang nghal mai a, hei pawh hian thui tak point chu a promote chho mai a. Chutiang ang chu thil hi a lo ni a. Sawlan a nihna reng reng pawh hi a lo tangkai khawp mai a. Kei-ni resolution pu luttu te nen chuan a contribution-a kha a sang ta em em a ni kan member zahawm tak kha.

Chuvang chuan kan Sorkar lampang ina a lo tihdan a kha hriat chian thui a ngaiin ka hria a pass leh pass loh chungchangah chuan. Amaherawhchu kan pass loh pawhin a thahnem ngaihna a rawn tarlang hian a tisawt dawn tho tih kha hre ve se ka duh a.

PU C.L.RUALA :

Pu Deputy Speaker, hei. Satek Constituency aiawh kan member zahawm takin Private Resolution a rawn pu lut a. Nichina ka han sawi ang khan tun session-ah chuan Private Resolution kan neiin awm chun a ni a. Chuvangin a zahawm ve reng rengin ka hria.

Tin, nikum kum leh a Aizawl South Constituency aiawh member-in session-a a put luh tawh, he House ina a lo pass tawh chhuzawna ang deuh kha niin ka hria a. Khatah khan Assam Rifle awmaah khan Sport Complex kan neiin thui tur a ni, tiin lungruai takin kan pass a, kha kha bawhzi zel a nih pawh ka ring a. Engpawhnisela kan ten thei a nih chuan a hming kan han tih a kha a pu thei a nih

dawn chuan Sunjay-a Memorial chart atang hian pawisa a tam viau mai a. Chu chu helai atang pawh a kan duh dawn a nih chuan a hming na na na chu engpawhnisela a tha a. Mahse khawi atangin nge pawisa kan neih theih ang tih' ngeihtuah chhoh a ngai dawn a. Chuvangin **SONJAY MEMORIAL** hi ni sela tiin kan member khan a resolution-ah khan a khung nghe nghe kha a ni a. Chutiang chuan a resolution chu lung rual takin kan lo pass tawh a. Mahse Sorkarin a nawr zui zel a ni tih chu nichin khan kan Minister in-charge khan a sawi thawi zauh tawh a.

Dik takin Aizawl mula leh tlangvalte hi sport lamah hian kan rualawt em em a ni. Aizawl-ah hian Mizoram mipui zawng zawng hmun 3-a thena hmun 1 deuh thaw kan awm tawh a. Hman ni a Asian Games-a an stadium lian kha a chhungah ka zuk hmu ve a. Chubah chuan Mizoram mihring chu pitar, putar, nansen piang hlimte nen thu dawn ila thutna chang lo kan awm lo reng reng ang, mi sang 7 leh sang 5 thut theihna a ni a, a ding te nen chuan nuai a kai mai thei a ni.

Kan mula leh tlangvalte ti rualawt tur tingin hman ni khan 400 lai kan zu in tir thla tawh bawk a, an zu hmu ve a, an awt viau a ni.

Tin, chu lo lelah chuan teenager ho hi excess energy neihan ni. Chu chu engomawti kawng zawnga hman kha a tul tlat mai. An excess energy an hmanna tam tak chu tunlaiah chuan destruction, thil tha lai tih-chhiat nan ang hmang a ni. Chuvangin heng kan thalai excess energy neite hi sport complex neihan tlai lamah zawi deuh hnep hnawpin han infiam thei sela chu len mai mai a zu inah a tlak tawh lo a ni. An va ruhih a, mi an va tihbuai lehna tur hante kha a awm tawh lo ang a. Tunah chuan kan tlangval tha za zek zawk te chu inah tihtur a awm si lo, infiamna a awm si lo, stadium a awm bawk si lo, mual tha kan hman bera lah chu Assam Rifle hoin an la control ang reng viau bawksia. Chuvangin an tihtur hre lo an leng mai mai a, pawl an va khawih leh fimgawt mai thin a ni. Chuvangin hetiang ang sport complex hi kan mamawh em em a. Hei hi kan neih theih ngeina turin kan resolution dawn pu lut tu-kan member zahawm tak hian effective lehzuala Sorkarin a nawr zui a duhna a larlan a hi remtipui ila, resolution awm chhun a ni bawk a. He resolution hi kan hnawl leh nghal chuan Private Resolution kan neih chhun a ni si a. Chuvangin kei chuan pass leh hi ka duhpui a ni.

* PU HIPHEI :

Pu Deputy Speaker, tuna kan sawi duh chu kan Minister khan mi rul vuak hlum tawh hnu vuak nawn leh

tih ang deuh khan a sawi a, an la vuak hlum chiah a rin loh vang a ni mai a. Khami ngaihdan kha a nei tih chu a Chiang tawh a, khami ngaihdan kha nei pawh ni se khatah khan vuak nawn leh chu thil tul niin ka hria a. Ka han sawi duh chu Mongolian thlahte hi infiamna lamah a ti thei pawl tak kan ni tih hi ka hriat ve dan a ni tlat a. Hmanah Delhi-a an inkhel lai ka en tawh a. Khawchhak mi leh India mi thiam ber an inkhel tawh a, khaw chhak kha an

chak ta a ni. Chuvangin khilai khawchhak lam mi infiamna lama thang tak te nen khian chi khat kan nihna laiah infiamna hmun tha tak te hi nei ve ilang chuan la lar tham kan awm ka beisei em em a. Chuvang chuan kan member zahawm takin a lo tih angin keipawhin a ngaihdan kha ka tawmpui a.

Hei tunhma atang tawhin Assam Rifle ho hi an awmna tur hmun ruathman sak hanni tawh a, insawn mai tura tih tawh kha tunah hian an la nghet telh telh mai a. Sawtilai Khatla-ah sawn hmun tam tak an nei tho mai a, saw saw min pe thei lo a nih chuan hei tal hi chu min pe thei sela. Khawlai ve ve, hmun zau tak si Assam Rifles-in an luah khat tlat mai hi kan Sorkarin harsatna a la tawh phah ngei ngei dawnin ka hria a. Hman ni ka n mitthi ral lo haw leh tur kha sawtilai kawng an an laih mek saw kual taka laih kual a rawn hel chhuah tir tum kha a ni s. Hetiangan an ramah kalkawng te kan kaltir thei dawn lo a nih chuan kan thil tumah te hian harsatna nasa tak kan nei dawnin ka hria a ni. Chuvangin hmun zau tak tak pahnih an nei tho a, khawi zawk zawk emaw tal hi chu Sorkarin laksak tum ta se, chu chu Sport Complex atan hian hman ni nghal se ka duh em em a ni. Chuvang chuan kan Sorkarin action la turin kan rawn ngen a ni. A dik tak chuan kan pass tawh pawh a niang.

PU K. BLAKCHUNGNUNGA : Pu Deputy Speaker, he resolution hi a pawimawh hle a. A pawimawhdan hi sawi dawn ta ila chuan sawi tur a tam ang a. Kha kha kan member te pawhin an ngei pawimawh em em a. Chuvang chuan tunhma pawhin kan lo pass tawh nghe nghe a ni zawk a. Tin, khami kan lo pass tawh a pawh kha Sorkarin a la bawhzui chho zel niah kan ngai lo thei lova. Kha pawhina an hmuahma leh bul tanna tak tak pawh kha a inzawm chu kan ti na a, a inzawm chiah em aw, kan pass hmasakah kha chuan, Aizawlah ngei mai hian lamual-ah hianin han bun ila tih kha a ni a. Amaherawhchu tunah chuan thingtlang lam kha a rawn sawi zau zelnaah chuan a ni leh ta a, thil chu a inzawm e tih chuan Aizawl leh Thenzawl pawh a inzawm tho chu a hi a.

He thil hmasa zawk hi a pawimawh em em mai a. A hmasa zawka pawh eng kan la tih hma si a a dang lo pass leh kha a tha ber em aw tih chu a zu ngaihtuah theih viauin ka hria a. Tin, tuna kan han sawi chhuak ringawt mai pawh hi member zahawm tak tak ten an han sawi eng khan a pawimawh em em a Sorkar pawhin House-a an sawina atanga theihtawp an chhuahna tur kha chu a insiam tawhin ka hre nghe nghe a. Tin, lo pass ta ni ila a effective dan tur awm tehchiamin ka hre lova. Kan Sorkarin hma a lo lak tawhdante pawh chu eng ang laia nge tihte pawh chu nichina member thenkhat an bei a ni tih hi chu tunhma a House-a kan lo pass tawhna eng atang pawh khan an ti ang tih hi chu ka ring tlat a. Engpawhnise thil pass tawh hmu a pawh ni se pass leh reng reng tih ringawt kha chuan House pawh a ti zahawm lovin ka hre nghe nghe a. A tul a nih chuan kan pass tur a ni a. Engpawhnise la a thu krim hrima hi lawmawm ka ti a. Pass kher kha chu thain ka hre lo.

* PU K.LALSANGA : Pu Deputy Speaker, ka sawi duh engemaw zat chu kan member zahawm tak khan a rawn sawi nual tawh a. Tin, a then ka dawn sawi leh duh chu - kan opposition lampang khan pass mai kha tha an ti deuh hlek a. Amaherawhchu thu thuhmunah an ngai deuh a. Thuhmun a nih chuan engahnge pass kher a ngaih? Tin, a thuhmun chiah lo deuh pawhin a ngaih theihna lai a awm thei a..(Deputy Speaker : A resolution chu ka han chhiat chhuak ange, i sawi tel duh takin.

"This Assembly is of the opinion that the 1st. Assam Rifle be shifted out of the Aizawl town proper and that the area thus vacated by user for -
(a) Sanjay Gandhi Memorial complex and,
(b) Other public purposes, viz Educational Institutions"

hei hi a hmasa zawk a ni) Ka sawi duh chu kan member zahawm tak khan a location kha a rawn thlang ti tih sa deuh roh a (Thenzawl leh Khawzawl) Chuti a lo nih si chuan duh taka kan pass tawh chu a thisawn velah thei tlat mai a. Chutiang chuan Thenzawlah te hmundangah te chuan lo awm ta se hetilai kha chu a thisawn velah a ni mai thei a. Hmun dang kha chu a lo remchang zawk thei a. Chuvangin kan member zahawm tak, kan resolution dawn neitu sawi ang khan khami kan lo pass tawh han tih nawn leh kha chu session lehah pawh kan lo move leh duh mai thei a, kan pass tawh hnu kan pass leh mai mai chuan Mizoram Assembly zahawm tak hi kan tizahawm lo thei dawn a. Chuvangin hei hi chu a lawmawm em em tho na chungin tiang hian tin ta dial mai ila thain ka hria.

PU C.VULLUAIA : Pu Deputy Speaker, tuna kan member zahawm tak Sateek bialtuin Private resolution a rawn move a hi a amendment form ang hian Mizoram Sorkarin sport lampang tih changkanna tura hmunpui siamin a hmun te thlangin theih-tawp chhuah teh se a tih hi he House hian a phut a ni, kan ti tlang dawn a. A duh a, a first part a kha he House-ah hian kan lo pass tawh a ni tih hre ngat hmu a tih ni se chu he Sorkar hi no confidence motion a move tihna a ni. Amaherawhchu chutiang rilru chhiat chu a ni lova, heng pass lai hian hemi chhungah a awm lova, sawhin thianganlim takin a sawi a, tukin khan ka hria a ti chauh a. A ngaihtuahna a inthlak hman lova, a mawng hiattu tam bak zel te avangin a tang zel mai a, hei hi kan thlang ta a, a lawmawm a. A thehnm ngaihna chiah chin a zel kha a lawmawm a. Amaherawhchu Pu Deputy Speaker, hetiang hian vawilnah lo pass teh reng pawh ni ila Pathian zarah kan dam ang a, Phuldungseiah tu emaw chu kan han thlang tling ang a, inkhawm lehah khan hei bawh hi a rawn move leh lovang tih kan sawi thei lova. Chuvangin a hma a mi ten an tih tawh tak kha maw, thu thar, thla thar a ni love tihna chang hre lo ni lovin a hriat loh laia a tih a hi a, tunah hi chuan chiang taka kan sawina eng atang khan

a thahnem ngaihna kha rei tak sawiin kawng hrang hrang pawh dap kual velin kan lo remti tlang tawh a. Chumi mil chuan helampang enkawituten Delhi an lo thlang tawh a, Plan-ah an lo khung tawh a, engkimah a lo kai tawh a ni. Khulamah, a tangka pe chhuaktute hnenah pawh a hming lam vek vakin helam pang atark hian pawisa pawh an lo dil belh tau, tauh tawh a. Chuvangin kha kha theitawp chhuah a nawr leh zelna turin vawinah hian member that zel te pawhin kan ngahmawk tak a ni tak tak tih hriattirna angh ngai ila. Zuk pass leh kher pawh khan thil a tidanglam chuang awm lo mange aw tihna kha kan member zahawm tak, thahnem ngai taka rawn rawttu hian he tiang ngaihtuahna a neh ang hi he House zahawm takah passed daih tawh a ni a. Sawhona a duhtawk hian pass kher phut lova thu a rawn siam leh hial pawh ka beisei mai ka ti.

* PU C.L.RUALA :

Pu Deputy Speaker, 'tam tak mawng hiattu awm' tih kha fuihpawrtu awm tih a ang deuh a, a mawi vak lobin ka hria a. Chuvangin unparliamentarian expression tihah kha chuan khalai thil kha a awm ve lo maithei a, mahse member te intih nan chuan a nalh lo douh a ni.

* PU F.MALSAWMA :
MINISTER.

Pu Deputy Speaker, engpawhnise a lawmawm tlang khawp mai a. Kan member senior deuh berin kan thangtharte tan a pawimawhna thuchang a rawn sawi nawn a ni ber mai a. Kan zai tui chuan hlachang kan sawi nawn thin a. Chutiang ang deuhah chuan kan dah a, a lawmawm hlein ka hria a. Amaherawhchu inkhawm pangngaia hla chang sawi hun hi a awm ve deuh hlek a. Chutiang deuh hlek chuan sawi lutuk te kan awm ve thei a. Engpawhnise tunah hi chuan a lawmawm lam niin ka hria.

Ka han sawi tum chu Assembly Secretariat hian a dik takin saptawng te uluk takin kan ti hman lo thei a. Chulamah chuan uluk deuh zawkin tun hnu hian lo en sela. Anni chu thiam tura beisei leh khemi kawngah khan a expert ni tura kan beisei te pawh an ni a. Chu chu kan tum ngei Mizo tawngte pawhin kan pe a ni mai thei a. question.ahnte pawh a tum loh zawnga kalpui theih rum rum te pawhin a awm theiin ka hria a. Hetah hian ka han ngen nghal duh bawk a ni, Pu Deputy Speaker. Chu chu lo hrih theih ni se a lawmawm hlein ka ring.

Tin, hemi sports chungchang hrim hrimah hi chuan Mizoram hian kan hriat angin hma a la chho ve zela. Amaherawhchu thil tam tak, heng kan han sawi hian kawng tam tak ngaihtuah a ngai a. Ramin mamawh htang hrang, over-all a kan mamawh kal a hi a balance tawka kal hi a ngai em em mai a, sports lampang kan uar em em lai hian a leh lampang tul zawka kha kan ngaihthah chuan thil dik lote a awm ve thei bawk a.

Amaherawhchu tunah hian khawvel pumpui hian atom bomb leh ralthuam lama intlansiakna tih lovah chuan infiamna thianghlim lampang, taksa tihrisel thei leh discipline te siamtha thei zawk bawksi a inelna thianghlim neih hi a. dik a ni tiin khatiang lam kha a lo sawi tawh reng a. Chuvangin keini pawh hmasawna khawvel pumpuiin a uar zingah chuan kan tel hi a lawmawm hle a, tumahin kan duk bikin kan uar bik chuang lova. He House-ah ngat phci chuan a ni lo zawnga sawi pawh kan awm ngai lova. Ka sawi tawh ang khan Mizoram pumpuiina kan tlin tawh leh kan kalsiam tawh hi kan hriat a ngai a. Thenkhattin zai lam an ngainat em em lain thenkhattin hlo thlawh a tul thute an lo sawi ang deuh a ni a. Ram pum hi chhung-khat anga kan in en a kan kalpui a ngai a. Chung kawngah chuan Sorkarin theihtawpin a ti thin tih hriatna chu thingtlanga kan kal hian kan hmu theiin ka ring a. Tunhma UT tirh atang khan kan facilities kan mamawh hrang hrangte a piang chho zel a, inkhelhna field te, a hmanrua te, tin, indoor stadium te, town hall kan tih ang chi te a inkawpin a awm a. Chung chu NREP atang te, Relief atang te, EGS atang te, LAD atang teih theih ang tawh tawkin sawh khawm an ni a. Dik takin hengte pawh hi a chhawrtu tam bera chu infiam mi te an nih ka ring a.

Chung atang te chuan Mizoram hian a theih ang tawkin kan ngai pawimawh a ni tih chu kan hmuh theih ka ring a. Tin, Delhi lampanga Mizoram aia-wh dah ve, tih te pawh kha, a level hrang hrang hi a awm a. A sports hrim hrim India ram pumpui khelhnaah chuan Minister in-charge a kha committee ah an tel nghal tho tho a. Tin, chu bakah chuan kan officer zinga thenkhatte pawh hi chunga member zuk ni te pawh an awm tho a. Tin, tunah hian directorate hrang tih pawh hi, kan fund position hi a chhiat em avangin duh angin kan ti zung zung thei lova. Amaherawhchu ama kea ding hrang thei tura buatsaih chhoh zel a ni a, Deputy Director-in tunah hian a ho thuai dawn a. Chu chuan min rawn ho theih hunah chuan amahni hian ke penin a hranga din theihna tur kawng ruahman chhoh ngheh leh sual a niin ka fing a. Tin, sports council kan tih hian hma hruain Mizoram pumpuia infiamna hrim hrimah tunah hian awmze nei takin a khalh chho tawh bawh a.

Tin, Sanjay Memorial Complex chungchangah pawh khan hei hi chu GAD lampangin Assam Rifles a hi, an insawn theih tur thu mi an hriattir hma kha chuan department g hrang hrangin a mal ngawtin a lo take up theih lova. Chuvang chuan hei hi chu a bawhzui hleih theih loh a- Chutih chhung chuan Mizoram Sorkar chuan Sports Complex chungchangah hi chuan sikul te nen tel veka ruahmanna a nei a. Amaherawhchu khami kan tih pawh kha Delhi nen k inrawn zel a ngai a. A sikulah pawh khan foot-ball lam khel chi chauh kha hmun khatah awm tir ila a tha mai angem? Stipend te pein. Tin, hockey kha sikul hranah, hmun khat a nih chuan play-ground g te pawhin a lo daih lo thei a. Rin aian heng hi a awlsem lo vek a heng hi. Chuvang chuan tuna kan han tihchak tum bera hi chu Regional Coaching Centre Republic Vengah khuan kan nei tawh a. Tunah chuan khu khu kan inngahna a la deuh

a ni rih deuh mai a. Kum tharah pawh chumi atan chuan cheng nuai khat chu a awm sa nghe nghe a, building dang pawh sak leh tum a ni a. Khatiang ang khan Sorkar chuan a bawhzui chho zel a, tin, a school nena complex siam chungchangah chuan Sorkar rilruah pawh a awm a, a item list a pawh chu approve list-ah chuan a awm a. Amaherawh-chu eng ang chiahin nge kan kal zel ang bih chu Delhi te nen inrawn zel a ngai a. India pawhin Ministry thara a siamna chu he 1982 kum rei lo teah khan a la ni chauh mai a. Hemite zai hi zui a ngai khawp mai a. Chuti lo chuan thildang tam tak la inrawna turah khan harsatna a awm thei a ni. Chuvangin Pu Deputy Speaker, sawi thui ngai vak loin kan member zahawm takin a a rawn sawi tawhna anga kha a lawmawm em em a. Khatiang anga thahnem a rawn ngaihna kha a lawmawm tak meu meuh a ni a, tin, a nei chho ed zel dawn a ni tih hian assurance pe ila, min han pawmsak thei mai sela a lawmawm hlein ka bing ka ti.

* PU K.LALSANGA : Pu Deputy Speaker, nichina a sawi kha han sawi nawn leh zawk sela. Nichina a sawi kha chu zero hour ang deuh a nih avangin a point takah khan kan la lut lo zawk emaw ni chu aw ka ti a. Nichina ami pass leh chiah a ngaih lohna kha resolution hmasa nen khan sawi belhbawm sela a tha ang.

* PU F.MAISAWMA
MINISTER Pu Deputy Speaker, hei hi chu Delhi thlengin ngai pawimawhin Planning Commission-ah te pawh kan bei chho zel a, 6th. Plan item ah pawh approved list ah kan a lut tawh baw a. Chuvangin helala pass nawn leh hi a ngai hranin ka hre tawh lova. Tin, he House ngei hian Sanday Memorial Complex neih ni rawh se tihte pawh pass a lo awm tawh a. Chuvangin he House ngeiin a tihna leh Sorkar pawhin a lo tih tawhna rawn nem nghehna angah ka ngai deuh a. Chuvangin kan zai tlang theuh baw a assurance kan pek hi i pawm thei mai lo'm ni tih hi i pawm thei mai lo'm ni ?

* PU JOE NGURDAWLA : Pu Deputy Speaker, assurance han tihtawp dan tur laiah khan kan member zahawm takina (min lo ngaidam lawk la) a rawn tihdana hi a chiang khawp mai a, Con, tribution pawh rei lote chhungin a nei nasa tih a hriat mai a. Kan member zahawm tak hnathawhdan te hi kan ngaisang em em em a. Amaherawhchu he thil takah hi chuan member ten an han sawi danah khan minister zahawm tak khan khati khan a rawi ti a, a rawn sawi a. Tin, hman ni lawkah hun hun pawh la awm lovin khatiang ang thil deuhthaw khan kan lo pass tawh a. Kha pawh kha Sorkarin step pawh an la la hlei htei lo a ni deuh

thaw khan kan lo pass tawh a. Kha pawh kha Sorkarin step an la la hlei thei lo a ni deuh ber a. Kha pawh kha ruling lampang ni lo Sorkar hma lakdan hrim hrim a kha gan pass leh ringawt pawh hi a ni pawhin a hrethiamin ka ring a. Chuvang chuan a duh ang khan assurance the tak mai arawn pe bawk a, withdraw sela assurance kha a duhtawk thei mai lo emaw ni le ?

* PU C.L.RUALA : Pu Deputy Speaker, kan resolution hmasa kha hei kum 2 dasn lai a ni tawh a, bawhzui mumal awm lo ni angin kan Minister khan a sawi deuh tlai mai a. Education Department-in nawr turin yawi eng zat nge an tih tawh GAD hi ? Sanjay-a hming a tel hrim hrim avangin kan Sorkar hian a the a tho lo em ni tih te pawh hriat ka duh deuh a ni.

* PU E.MALSAWMA,
MINISTER. Pu Deputy Speaker, bawhzui loh lam zawng kha a ni lova, an la chhuah hma si chuan Education Department hian khilai hmunah khian a hna a lo thawh tan ngawt theih love tihna a ni a. Kha chu a in-charge Minister awm loh vangin a sawi sak theih loh a. He House ami reng reng a kha bawhzui loh tawp chuan a awm ka ring hauh lova Chuvangin Sanjay-a hming lan leh lan loh lampang kha a ni lovang.

PU HIPHRI : Pu Deputy Speaker, Education Department in GAD ah khan ngenna yawi eng zat nge a siam tawh ? Tin, GAD action lak chu le a hla lo ang a, department dang a ni a. Anmahni Assam Rifle ho tieng tura rawtna kha GAD hian yawi engzat nge an siam tawh min hrih theih chuan a lawmawm viau ang.

* PU F.MALSAWMA
MINISTER. Pu Deputy Speaker, chumi-ah chuan Education Department hian zawhna siam ngai turah a ruat hnan lo a ni.

* PU C.L.RUALA : Pu Deputy Speaker, chu an zawh leh zawh loh pawh hre lovin an awm ringawt mai a ni maw ?

* PU F.MALSAWMA
MINISTER.

Pu Deputy Speaker, ngaih leh
ngaih loh lam a awm chuang lo.
Tunah chuan vantlang hriat sa
chu Assam Rifles-in an la luah
vang a ni ringawt pai a ni.

DEPUTY SPEAKER :

Pu C.Pahlira, a resolution
neitu ber kha kan sawm ang a,
member ho ngaihndan kha a hria
a. Kan Minister khan theihtawp kan chhuah ang a ti a.
Hemi thilah chuan plan-ah pawh approved list-ah a tel
tawh e a ti bawk a, engeni a ngaihndan ?

* PU C.PAHLIRA :

Pu Deputy Speaker, kan member leh
kan Minister zahawm tak ten hma-
lak dan thui tak an rawn sawi a,
a lawmawm ka ti hle a. Pu Sainghaka resolution 1981, March,
ni 13 a Seperate Directorate ee awm se tih in pass tel
hauh lo chungin chumi hawi chuan thui tak an lo kal tawh
thu te a rawn sawi a. Nichina ka sawi tawh ang khan tunhma-
in hei hi pass-na a awm leh awm loh ka hre hauh lo mai a.
Tin, sports lampanga ka ngaihtuahna heti taka a lo chhuah-
na chhan chu - tunhma kan naupan lai chuan inglamna lam
ngaina mi ka ni a, ka lo che nasa ve visu thin a. Amah-
erawhchu politics a ka luh takeh hian kan hman ta lova,
hetiang angah hian tha kan seng ta em em lova. Chu-
vangin ka hriatpui vak lova. A play-ground sibam thu leh
a hmun buatsaih thu lampangah hi chuan theihtawp ka lo
chhuah ve a. Khung Republic Play-ground te pawh khi BRITF
leh Brigade te Bulzozer ten kan lo nawr tir ve thin a.
Tan an lak dan chu an rawn sawi chiang em em a, a lawm-
awm hlein ka hria a. Tin, ka han phut tak, seperate
directorate awm se tih a pawh kha helalah tunhmain lo
pass tel lo mah se, chumi lam hawi chuan thui tak kan lo
kal tawh a. Tin, Assam Rifles awma kher hi Play-ground
atan kan nghak a nih chuan kan nghak rei duh awm mange
aw ka ti a. Helalah hian kan Sorkar hi inghat bur
lovin nichina ka han sawi lampang te pawh kha ngaih-
tuahna pawh kan la nei zel ang.. Thingtlang lama khami
Sports Complex han siam te pawh kha. Chulalah chuan
ngaihtuah chhunawm zel tura khang te kha an neih ka duh a.
Tin, khami ka han rawtna kha ka sawi tawh ang khan
stadium te chu khawilai laiah pawh lo dah tawh meh ila
Aizawl khawpuiah chuan stadium lian tawh te chu kan
memawh tawh tho tho mai a, hmun khatah chang ni lo,
hmun hnih hmun 3-ah pawh. Chung atan chuan kan ram thang
zelah hian kan hma lakna tur a lo ni tho thoin ka hria
a.

Amaherawhchu thil pakhat,
assurance-ah chuan pawm lem lo mah ila, nichina ka han
sawi, Aizawl ah kher hemi hi din-kan tum a nih chuan
nichina ka han sawi, ang khan khetiang ang a nula leh
tlan valkan train te kha discipline chungchangah te chuan

thunun an lo harsa a. Chuvangin thingtlang hman a la awl zau a, kawngpui hrul a nih chuan hotel te nen kim-chang taka an training chung na na na chuan an tih theihna tur hman kha awlsamna a awm zawkin ka ring a. Chulai chu tlem a zawng tal kan hriat leh deuh hlek ka phut tlat a ni.

* PU F.MALSAWMA
MINISTER.

Pu Deputy Speaker, tuna an sawi hma pawh hian ngaihtuahna a kal tawh a. Entirnan, Thenzawlah te chuan play-ground puitling a thiingin pahnih a awm a. Chung ang te phei chu hman tangkai atan kan it em em a. Khatiang khan kmun dang dangah, Khawzawlah te, Champhaiah te zau tak tak a awm theih tur thu report te pawh kan dawng hlawn a. Amaherawhchu a pass na tur chu kan sawi thei lova. Helala kan resolution lo awm tawh te pawh kha theih ang angin lo hriat tel tho kan tum ang a. Tin, a tul chuan a mal mal pawhin heng hi chu englai pawhin sawiho kan eih reng bawk a ni.

* PU C.PAHLIRA :

Pu Deputy Speaker, thil han sawi leh zawk ka duh a. Mizoramah hian infiamna lam thei bik te leh hmingthang te hi an awm ve zauh zauh thei a. Education lamah hian hetiang mite hi a sang ber anni fo lem lova. State dangah te chuan amahni hnam ti hmingthang tur an nih chuan Sorkarin dinhmun engemaw te pawh a lo ngaihtuah zauh zauh thin. Mizo hmeichhe pakhat pawh (ka hriatdan a sual a nih loh chuan) Mizoramah te pawh hawn a chak viau thin a, khawvel hman hrang hrangah inkhel te pawhin a zin kual thin a. Chungte chu tunah hiah Mizoramah hman hmu lovin Manipur State-in tha takin an lo chawm ta ni in ka hria a. Hetiang kawngah hian kan Sorkar hian kawng engemaw siam veih ngaihtuahna bik nei sela. Chutichuan infiamna lamah hian kan ramin hma kan sawn pui hlein ka ring.

Awle, kan Minister in-charge ngei khan nichina ka ngaihtuahna lam te pawh kha engmah khalaish khan rigid tunhmaa an lo pass ah khan kan kal-tlang zak ang ti lovin ngaihtuahna la hman tur ti a a rawn sawi lan bawk a ni a. Chutichuan kan resolution chu tunah hian ka withdraw e.

DEPUTY SPEAKER :

Awle, kha kha i withdraw thei lova. Withdraw i dil thei a, House property a nih tawh avang khan withdraw i dil kha House-in a phal a ngai tlat a ni.

A resolution withdraw dil chu in remti em ? Remti lo kan awm lo.

* PU F. MAISAWMA,
MINISTER.

Tuna a sawi hmuhnun pakhat kha tlemte ka han sawi leh lawk ang e. Khami lamah pawh khan tan a la tho a Sorkar hian. Entirnan, Forest Department leh hmun hrang hranga infiam mite hi an qualification hrim hrimin a phu lam aia lak a ni deuh ber tawh a. Tin, badminton-a thiam lar tak pakhat pawh hman ni lawk khan PHE-ah dah luh leh a ni a. Agriculture-ah te, Police lam-ah te chutiang anga dah chu an awm a. Amaherawhchu UT kan nihnaah hian duh ang zung zungin thil a tih vek theih loh nain, a theih ang ang chinah chuan Sorkar hian tan a la a ni tih House ka rawn hriattir e.

DEPUTY SPEAKER :

Kan resolution neitu Pu Pahlira khan a resolution withdraw a - rawn dil a. Chuvang chuan kan resolution hi kan withdraw ta a ni.

Vawiin kan Business kan ti zo tawh a, kan chawl ang a, Thawhtan ni 18, zing dar 10:30-ah kan chhonzawm leh dawn nia. I tin rih ang u.

Meeting adjourned at
12:40 P.M.

J. MAISAWMA,
SECRETARY.

* Speech not corrected.